

遼陽州鄉土志

知州事甯鄉洪汝冲鑒定

候選直隸州州判拔貢 承 貞編輯

候選 府經歷 張德緯

貢 生 貝長春 調查

貢 生 劉慶文 調查

附 生 姜文憲

陝西補用縣丞優貢生 王化春

候 補 知 縣 袁金鎧校正

留日師範生附生 誠 格

序

遼陽於古為邊徼用武最著之地其名見於史書及文人詩賦數矣顧或為郡治或為國治或為府治縣治路治衛治其建置沿革既莽然靡常而載籍復多闕略故往時疆域多不可攷 國朝康熙間由縣升為州時猶是軍制幅員廣而民人稀其後農及工商乃稍稍由燕齊遷入地利大開戶益繁息文學亦彬彬尙焉光緒丙午劃東南隅為本溪縣西北隅為遼中縣而四至遼者猶及百二十餘里戶口猶及七十餘萬人不失為關東繁庶鉅治然而有庚子拳匪之亂甲辰日俄之戰盜賊迭起烽火頻仍居民不得安枕者歷歲至今城郭不完元氣大耗又約定開闢商埠計今境內日人多至五千有奇郭外南滿鐵軌逶迤橫貫主客競爭之勢盛遼陽鄉土志

衰倚伏之機氣象又大異矣世變日劇來軫方道數典不忘居今稽古甯非都人士之責歟丁未冬余奉檄權州事下車伊始訪求州志則二百餘年以來尙未哀有成書即舊時案牘亦燬於兵燹幸故無徵文物凋喪為帳望者久之適學部有編輯鄉土志之令余以催科撫字卒卒未遑商之鄉薦紳承君貞廣為甄采每一篇成必函示余為之審定其事大抵據正史一統志盛京通志及耆舊傳聞間有事屬遼東而不能確指為何地者姑並著焉甯備無闕凡為綱二為目二十九附以圖表計上下二卷閱半載告成既以達部邑紳袁君金鎧等請以付梓屬弁序言余惟周禮掌外史四方之志注謂若晉之乘楚之樽杞魯之春秋是一國之志其流波卽一代正史之所取裁其濫觴卽萬姓譜牒之所推行蓋必有

家而後有國有國而後有天下故曰克明峻德以親九族九族既睦辨章百姓百姓昭明協和萬邦是其序也今志乘既闕族姓又乏土著譜牒之著錄邈焉無聞外侮且乘之而至則是書之存又烏能已承君之苦心將於是乎不可沒已抑又聞之政貴有恆辭尚體要是書一限於時代之變更一限於舊聞之荒落一限於部定之例目之不可得而更易有此三難知不免爲通人所詬病然錄事命意不敢稍涉鋪張於近今政治尤得失較然鉅細必錄庶幾史裁政體兩存其真後有達人博采旁蒐軼成完帙俾赫赫名城不致終古守此推輪大路是則余與承君所區區瓣香引領者夫

光緒三十四年歲次戊申九月既望知州事甯鄉洪汝冲謹序

甯陽鄉志

一

人有愛鄉心而後有愛國心不能愛鄉而謂能愛國者是調語也夫先人堂構雖艱窳雖富而後人不之知則舉而棄之也必不甚愛惜人之於鄉亦猶是數百年來文人學士做精帖括舉天地之大萬物之多而惟應試之知雖生斯長斯之鄉出門跬步任舉一名一物有茫然莫辨者故一旦受外人激刺之危覺此鄉於吾直若渺不相關而放棄於不顧則以愛鄉心早銷滅於隱微之中而不覺也鄉且不愛何有於國然欲人知愛鄉必先使人知此鄉之歷史沿革及往事現勢之經營締造人事天產皆足寶愛有不容漠然置之者則愛之心自油然而相生相依而不能忽然則鄉土志一編胡可少哉矧當百度維新之際變法更章日異而月不同而巡警教育自治諸新政既以次迭舉倘無以研究鄉土之

甯陽鄉志

一

情形參定適宜之法俾與此鄉之歷史地勢民情相稱流弊且不可勝言則鄉土志一編更胡可緩哉余友邑紳承君佩珩承提學憲命與遼陽諸紳分類調查編輯遼陽鄉土志將付梓知州事洪味丹刺史既爲之序余亦深喜是編之成其關係有非淺鮮者自愧謫陋草草書此惟冀讀是編者毋徒作文墨觀焉是爲言

光緒三十四年十月朔日遼陽警務長王永江書

遼陽鄉土志目錄

鄉土歷史志

設置沿革 附表

政績錄

兵事錄

耆舊錄 附節孝 名宦祠

人類

戶口

氏族

宗教

實業

遼陽鄉土志

工政

商政

學務

警務

鄉土地理志

州境

區界

公所

城池

橋梁渡船

祠祀廟宇

古蹟

墳墓

市鎮學堂

山

水

道路

田賦

釐稅

物產

商務

天然產 動物之殖產 農產 蠶業 附果物  
蠶桑 林業 礦產 藥材 製造產 附表  
附輸入輸出表

遼陽鄉土志

二



興遼縣  
屬遼陽府  
遼州管  
屬東京道

政績錄

遼金以前遼境屬郡國府治又間夾於高麗故牧守之政績闕焉遼金起自北土遼陽置為東京豐沛南陽之臣有所藉而易顯明置五衛設重兵官閒有著者時勢使然也國朝易術所置守令壹以民政為要素官此地者但奉職循理除弊興利已所居業所去思矣固不必赫赫之功云

遼陽鄉土志

五

兼副及卒鮮卑等每入朝過其墓必號泣乃去遼人為之立祠以祀之

馬績 字季則博觀羣籍善九章算術東漢永和元年遷度遼將軍典邊日久深曉兵要以恩信招降萬三千口

母邱儉 字仲恭聞喜人魏青龍初加度遼將軍率軍至襄平屯遼隊今遼城人爭降附從討公孫淵定遼東以功封安邑侯

蕭孝穆 遼太平九年為都統討平大延琳於東京授東京留守治遼陽為政寬簡撫納流徙民甚安之

耶律布庫原作耶律布古字惕隱太平五年遷東京統軍使洩政嚴明諸部懾服大延琳叛以書結保州夏行美執其人送

布庫布庫入據保州延琳氣沮東京以平

王棠 涿州新城人鄉貢禮部皆第一累遷東京戶部使遼太康二年遼東饑民多死請賑卹從之

李晏 字致美澤州人皇統六年進士任遼陽推官有政績歷遷御史中丞初遼主撥戶民俾輸稅於錦州龍宮寺歲久以為奴晏乃具奏在律不殺生況殺人乎遂以良民為二稅此不可法今幸遇聖明乞盡釋為良世宗納其言獲免者六百餘人

伊喇富森原本富森金崇慶元年充遼東宣撫副使歲大饑出沿海倉粟先賑而後奏之優詔獎諭

王伯勝 文安人為遼陽行省平章政事歲大旱伯勝齋戒以禱即雨人謂之平章雨元延祐二年召為大都留守

遼陽鄉土志

六

遼民乞留不報泣涕而去卒諡忠敏

洪俊奇 至元二十六年乃顏叛從忽親征有功授遼陽等處行省右丞以疾辭叛王哈丹等竄入高麗遼陽騷動

特起俊奇鎮遼左許便宜行事弟君祥大德五年任遼陽行省右丞奏請增巡兵設儒學歷行省平章政事君祥子萬以戰功授龍虎衛上將軍遼陽行省右丞

多爾濟原本多爾濟穆呼哩六世孫事母至孝喜讀書不屑事章句於忠君愛民之事深為究心文宗二年襲位之國遼

陽順帝至元四年穆呼哩五世孫乃蠻台以賂得為國王乃除多爾濟為遼陽行省左丞以安靖為治民用不擾至

正七年拜右丞復爲遼陽國王

王結 字儀伯定興人性敏悟從董朴受經深於性命之

學元泰定中拜遼陽行省參知政事遼東大水請發粟數

萬石賑之晚遷於易著易說一卷謚文忠

多爾濟巴勒 原本桑兒直班 穆呼哩七世孫至正中出爲遼陽行

省平章至官問民疾苦知鄉民負販入城貴室強買之僅

給半值又其俗編柳爲斗大小不一市儉得以高下其手

即飭屬防禁齊稱量諸物畢集而價自平嘗采前賢遺言

爲書以進賜名治源通訓藏之宣文閣

唐仁祖 輝和爾人 原本長元人 至元中遼陽饑奉旨往賑同

遼陽鄉土志

七

矣吾知爲國郵民耳皆給以大口數

李之英 字允達嘗從曹元用受易從吳澄受尚書春秋

從陳繹魯受詩禮河圖而就正於虞集泰定三年爲遼左

學正士庶宗之

趙洙 爲遼陽儒學提舉至正十五年紅巾賊關先生等

陷城洙與妻許氏避資善寺賊至不屈與妻同被殺寺僧

收其屍合葬之

方嵩 張良佐 舊隸遼陽平章劉益部下益辟明爲故

元平章洪保所殺明太祖以吳立與嵩良佐俱爲指揮守

蓋州後調東寧衛皆有勞績  
馬雲 葉旺 明洪武四年山東萊渡海招降元將葉廷

秀等進至遼陽繕城郭修兵備一方遂安

周鷄 懷遠人調定遠右衛馬雲葉旺聞其勇致之幕下

有攻伐必委任之屢著戰功

徐便 黃岡人嗜學有武畧以精兵從葉旺陞遼東都指

揮僉事

徐玉 德平人由金吾衛千戶任定遠左衛僉事守禦遼

陽有軍功  
施聚 通州人充副總兵守遼東累功封懷柔伯

曹義 儀真人永樂間守遼東開擴邊疆累功封豐潤伯

世襲

巫凱 旬容人幼穎異七歲賦牡丹詩十九歲代父百戶

遼陽鄉土志

八

職陞遼東都指揮使

王真 盱眙人由千戶累功陞都指揮使管遼東都司事

素著勞績卒賜祭葬

王祥 固始人掌遼東都司事恤下興學頗著善政

王翺 字九臯鹽山人永樂進士正統七年提督遼東軍

務許便宜行事在任九年經畧屯堡簡閱行伍振貧郵寡

軍民便焉

程信 休寧人壬戌進士歷遼左參政巡撫遼東造戰車

儲芻粟稽侵漁察奸細號令一新

李乘 字執中曹州人正統進士景泰初提督遼東軍務  
節用愛民恩威並濟識拔將才邊境以安

馬文升 河南人舉進士巡撫遼東士皆鼓掌喧舞文升  
再度遼頗多惠政故東人思之  
王崇之 強珍 先後巡按遼東皆有安邊政績以忤權  
閹汪直崇之被謫珍除籍戍鐵嶺  
滕昭 汝陽人成化初撫遼東完城繕兵加意學校廣詢  
民瘼痛革奸貪還闕之日遼民攀轅泣留  
王嵩 汲縣人成化間由進士巡按遼東舉行朱文公家  
禮喪禁佛事遂至成俗云  
李善 隴州人成化進士巡按遼東時太監章朗侵漁兵  
餉縱左右奪人妻孥聞善至遂屏息論劾都督王鏞孫貴  
罷去豪右欽迹

劉成德 蒲州人辛未進士按遼東時修舉廢墜奏開儒  
學貢置雅樂射禮親書聖賢牌位重修學宮政績甚著  
李貢 字惟正蕪湖人成化進士巡遼東先是貢曾分巡  
遼有惠政至是民歡迎之總兵毛倫挾劉瑾勢暴橫不法  
貢裁抑之瑾嗾言官誣以他事罰米五百石勒令致仕貢  
喜曰今日皇甫規得與黨人矣  
劉大謨 儀封人由進士巡按遼東時鎮守太監貪殘無  
厭大謨收其左右繩以法遂被誣逮獄士民自遼陽抵山  
海哭留遮道不絕請隆德典史  
許進 字季升靈寶人成化進士分巡遼東風裁慷慨中  
貴屏息尋巡撫大同身係天下安危善類賴之

張貫 蘇縣人成化進士陞按察以忤劉瑾謫官旋起復  
由副都御史巡撫遼東謹烽燧明斥埃兵馬芻糧城隍整  
堡率有成效卒於官  
韓斌 憲宗朝協鎮遼東展陽明臺水關嶺諸屯堡復請  
於清河地方設立城堡置備官兵建鴉鶻關以限內外嘉  
靖間爲之建祠額曰褒功在城南三里莊今地  
翟敬 猗氏人宏治進士歷遷遼陽行太僕寺少卿廉清  
勤慎歸囊無餘資惟襖被而已  
韓璉 高陽人宏治進士分巡遼東時妖人李真作亂璉  
捕誅之邊境以安  
馬中錫 字天祿故城縣人武宗時巡遼東召還後朝廷  
遣使覈遼東芻糧使承劉瑾意謂腐損過多歸咎中錫械

驗遼東資債東人或願代輸中錫固辭齎產稱貸債之著  
有東田文集東田漫稿十四卷行於世  
張文明 陽曲人正德時巡按遼東政尚大體寬恤小民  
吏畏其威民懷其惠  
許遠 固始人正德三年進士巡遼海東寧道禮賢愛民  
聽獄詳明後陞江南按察死於寢濠之變謚忠烈  
王宗彝 東鹿人由進士官戶部郎督理遼東糧儲屯種  
盡心緯畫勘斛斗慎出納官民兩便府藏充實  
許宗魯 咸寧人正德中進士巡撫遼東歸民地之占於  
軍者遼人賴之  
周期盛 西寧人癸丑進士嘉靖時按遼東是年暑雨淹  
禾軍民飢甚亟開倉賑給不足復索之庫得贖金併可貸

者萬餘兩訪素有積貯者俾出穀平糶又上疏求賑得發帑金全活無算

曾銑 江都人嘉靖己丑進士巡按遼東乙未春巡撫都御史呂經北巡至自開原如遼陽行政過激拂士卒心三月據城叛時銑按部至復州聞變亟旋四月入城開諭禍福以安之呂經歸叛卒門焉銑乃杖數人以徇啓門出是月廣寧撫順兵亦變銑各出檄陰圖渠魁陽示撫安上狀其事七月行射禮衆畢至忽出袖中姓名分令官卒授以意逾時縛八人至明日撫順擒七人殺廣寧賊首十二人不假兵革三城肅清遼人建祠祀之後以倡復河套爲嚴嵩所害謚襄愍

張鏊 字濟川嘉靖進士生平清苦始終如一任遼東苑

遼陽鄉土志

十一

馬卿比去遼人爲立生祠

王本固 字子民邢臺人嘉靖進士遼左饑奉命賑濟嚴嵩欲中傷之給米六萬石以驛車運意謂緩不及事將罪之也本固奏一半折銀濟遼陽遠地一半木色濟廣寧近地凡再閱月而歲事遼左安焉

趙孔昭 字子潛邢臺人爲監察御史出按遼東時遼將李錡不法倚仇鸞恣橫人莫敢言孔昭毅然劾之

馮顥 高平人嘉靖舉人任遼陽僉事清操卓行世所罕見歷任止搆一僕而已

張學顏 字子愚肥鄉人由進士撫遼八年陳戰守機宜十策後居父母喪廬墓盡禮史稱其有白雀來巢之異云楊行中 字惟慎通州人嘉靖時按遼東呂經激遼陽兵

變兵部請勦行中疏請榜示諸城令其相捕贖罪上嘉納之事得寢

麻貴 大同右衛人萬曆二十五年任備倭總兵數有功進右都督子世蔭三十八年鎮遼東明年沿邊有蒙古以三萬騎入掠穆家堡貴禦之敗去夏貴引病乞休詔乘傳歸貴果毅驍捷善用兵一時稱爲良將

李植 字汝培大同人萬曆二十六年巡撫遼東墾土積粟得田四萬餘畝歲獲糧萬石戶部推其法於九邊

劉江 宋應昌 萬世德 永樂中江鎮遼東巡視諸島相地形勢請於金州之望海場築堡防海卒敗日本兵使不敢犯邊萬曆壬辰日本關白舉三十六島之衆突入朝鮮詔應昌經畧勦遼防海備倭明年敗之平壤威寧時倭

遼陽鄉土志

十二

侵朝鮮世德以邊才進職巡撫經理朝鮮命董一元等統精兵敗日本於釜山捷聞特命總督勦遼在任惟以息事安民寬大簡靜爲務以疾卒於官

李化龍 字于田長垣人萬曆進士鎮遼有功陞兵部尙書請撤稅監高淮遼人德之卒謚襄毅專祠致祭

劉英 崇明人性孝友管遼東都司事歷任既久廉能益著年老乞休遼人攀轅留之

王樸 沁州人歲貢孝友持躬著書立節官遼東都司教授士人化之

熊廷弼 字飛百江夏人萬曆二十五年鄉薦第一明年成進士累陞御史三十六年巡按遼東巡撫趙楫總兵李成梁棄寬契新疆徙民內地已論功賞廷弼劾之又以遼

多曠土請行屯田於邊邊將好挑邊斲力陳守禦策有十五利奏行之在遼數年杜餽遺核軍實按劾將吏不事姑息風紀大振因與御史荆養喬相奏許投劾去嗣楊鎬喪師起廷弼代鎬經畧遼東未出京開原失上言請連備芻糧器械等毋掣肘得允賜尙方劍甫出關鐵濬全失遼陽洵洵疾馳至則斬逃將祭死士造戰車置火器濬濬繕城令嚴法行數月守備大固姚宗文劉國綏因事怨廷弼及御史顧懋馮三元先後劾之廷議乃以袁應泰代經畧張尙賢 遼東人

國朝順治十一年知遼陽府時地方新設民多招徠尙賢拊循有道一二年間遂致殷富去任後民爲建祠於州西甕城內歲時祭之

范時崇 忠貞公承模之子瀋陽人康熙二十三年任知州寬簡愛民凡徵收錢糧並無火耗時議撥民屯田民多遷徙時崇以本境地屯種有餘請不他徙以故遠民得安生業陞福建按察浙閩總督有惠政閩人思之從祀道山忠貞公祠

劉貞 順天大城人康熙二十六年任知州在遼十七年招徠教養善政宜民百姓思其德數世不衰

胡祚遠 漢軍正黃旗人康熙四十三年任知州在遼一年頗有惠政人思慕之

陳學海 浙江桐鄉人康熙五十一年任知州在遼三年德政及民百姓奉牌祀之於城內城隍廟與劉貞胡祚遠同

王瀚 江南宜興人康熙五十八年任知州時境內救平諸務待黎瀚性勤敏喜獎掖士類履任後即增修學宮義館以提倡文化士民趨之

陳瀛 嘉慶二十二年特授遼陽知州在任十餘年清慎廉勤頗有惠政

郎若曾 道光十九年署州事次年特授知州才具敏練而性慈仁在任八年遇有疑案悉心訪查務盡其情使無冤抑士民奉之若神明卒後奉牌祀之州城內城隍廟至今猶稱道弗衰

鮑師釗 咸豐十一年署知州事剖斷明決吏不得欺

張鼎鏞 字子升維揚真州人道光丙午舉人同治元年特授遼陽知州到任即整頓書院捐資獎勵諸生時境內

多盜乃捐廉募勇覓線偵賊編查保甲民賴以安五年春徐占一馬傻子等賊率衆數百犯境鼎鏞露宿城上與民同甘苦城中素乏軍火商民聚石城上以投賊賊却退乘而擊之乃遁去平日聽訟明決賑災卹疾實惠在人後卒於省寓遼民赴省弔奠建祠於州城內三教堂以祀之額曰張公祠

張雲蕃 鼎鏞之兄子也自同治七年署州事光緒四年特授知州前後凡四任民愛慕之

張錫蕃 字康侯光緒十一年特授遼陽知州精於吏事聽斷明允一時翕然稱之十三年復任遼陽未幾卒於任

徐慶璋 字與齋浙江山陰人光緒十九年八月署州事值甲午中日之役州城戒嚴稟請練兵十三營督率士卒

日夜罔懈賞罰嚴明人樂爲用比日本兵入海城吉林靖邊營却退至州城外將復北去慶璋出城以大義忠誠力阻止之而客軍入城采買亦無敢騷擾且由鳳凰城入遼陽以吉洞峪迤北一帶爲要害因督飭吉洞峪練總徐珍操辦鄉團與鳳凰西界聯結地方賴以自保是時城西連年水災民多乏食乃募集巨款遣員沿屯調查按戶賑濟無敢侵蝕者以故實惠及民全活無算其平日爲政寬猛兼施士民畏之如秋霜愛之如冬日有徐青天之稱中日議和後陞慶陽府知府繼遷甘涼道未到任而卒

論妮妮不倦著有來青館行世餘未傳

兵事錄

遼河以東以遼陽爲要衝唐宋以前目爲邊徼雖其間時有兵事然戰迹泯矣遼金及元習於北土視此爲必爭之地故疆事日煩戰局日出明因於遼東設都督指揮總兵旋設經畧等重兵官爲備倭防海馭蒙之計而終無補於敗此亦得失之林也

蔡謨新昌之戰 漢安帝元初五年高句驪王宮與濊貊元菟攻華麗城謨與元菟太守姚光擊破之夏高麗復與鮮卑入寇攻遼隊 漢安帝元初五年高句驪王宮與濊貊今遼陽 魏景初間公孫淵自立爲燕王魏遣司馬魏滅公孫淵 魏景初間公孫淵自立爲燕王魏遣司馬

懿將兵四萬討之淵使其將卑衍等將步騎數萬屯遼隊圍塹禦之懿曰此欲老我師也攻之正墮其計若搗其巢穴直抵襄平破之必矣卑衍等引兵夜走諸軍進至首山益進圍襄平秋大霖雨遼水漲發平地水數尺或勸懿移營不聽晝夜攻之淵突圍出被殺遂入城於是遼東帶方樂浪元菟四郡皆平

隋征高麗攻遼東 煬帝大業八年遣諸軍分道擊高麗左十二軍出饒方等道右十二軍出襄平等道凡一百十二萬人餽運者倍之御營六軍後發六月度遼水高麗阻水拒守隋將軍麥鐵杖請爲前鋒造浮橋以濟師橋未成距岸丈餘賊大至鐵杖躍而登戰死諸軍繼進遂乘勝圍遼東遼東嬰城固守久攻不下

唐征高麗拔遼東 貞觀十八年以李勣為遼東大總管  
江夏王李道宗為副帥步騎趣遼東明年將度遼道宗請  
將百騎先覘形勢遂旁南山直入遼東城南相度險易營  
壘便處將還高麗斷其後乃走間道歸與勣潛師濟遼水  
拔蓋牟遂圍遼東城高麗步騎四萬來救道宗以四千騎  
擊敗之車駕至遼澤泥淖二百餘里勣土作橋既渡撤之  
以堅士心進至遼東時勣已攻城二十日引兵共圍縱火  
登陴高麗力戰不能敵遂克六月攻白巖城李思摩中弩  
矢上親吮血將士聞之莫不感泣契苾何力擊高麗之援  
兵挺身陷陣槊中其腰尙輦奉御薛萬備單騎往救拔何  
力於萬衆中何力束創而戰遂破之降白巖城以為巖州  
進攻安市降之乃更名首山為駐蹕山

薛仁貴石城之戰 顯慶三年詔程名振征高麗仁貴副  
之戰於石城有善射者多殺官軍仁貴白衣單騎突擊賊  
弓矢俱廢遂生擒之後隨李勣援泉男生泉蓋蘇文之子  
平高麗遼海皆有戰蹟焉  
遼平大延琳 聖宗太平九年大延琳以遼東叛遼東自  
天間初附未有權醑鹽麪之法關市亦甚弛禁馮延休韓  
紹勳相繼以法繩之又值歲饑延琳乘之囚蕭孝先殺紹  
勳等以叛乃以燕王蕭孝穆為都統討之副部署蕭匹敵  
扼其西路夏行美斷其東路師進戰於蒲水中今城西北  
軍稍卻匹敵與都監蕭布奴原作蕭布奴以兩翼夾擊賊潰追  
敗之於手山即首山北延琳走入城深溝自衛孝穆圍之築  
重城起樓櫓使內外不通城中折屋以燹其將楊世祥等

擒延琳以降遼東悉平  
蒙古攻金東京 元太祖七年壬申哲伯吾也而等攻金  
東京不拔即引去夜馳還襲克之  
金元之爭 金貞祐元年癸酉北邊千戶耶律瑠格原係作  
自立為遼王改元元統盡有遼東諸郡遼都咸平今遼寧  
蒙古穆呼哩原作木屢攻遼東乙亥金宣撫布希萬努原作  
取咸平東京以叛濬登諸州多從之僭稱天王國號  
大亨改元天泰尋侵金婆速近境赫舍烈德原作乾石烈德  
擊敗之九月萬努率衆九千人出宜風今遼陽及湯池德  
串兵與戰其衆潰去丙子冬降蒙古復叛僭稱東夏後耶  
律瑠格歸蒙古仍命為遼王  
乃顏之叛 元諸王乃顏鎮遼東頗有異志宣慰使亦力

撒合請密備之至元二十三年乃顏叛遼境被擾帝自將  
征之亦力撒合餽餉不絕東京行省右丞達春原作力戰  
卻之懿州州人羅拜曰非公吾屬無遺類矣  
紅巾賊之亂 至元十九年韓林兒其先世以白蓮會  
父韓山號說稱係宋徽宗八世之黨關先生率衆陷上京  
焚宮闕掠遼陽轉至高麗其黨緒繼祖殺趙均用遂自  
相讎殺而自是上京宮闕盡毀不復時巡矣  
元侵遼東 洪武八年明已取遼陽以元納克楚原作  
兵必攻遼預勦馬雲葉旺為備未幾果至見預備嚴不敢  
攻越蓋州趣金州旺先移兵柞河緣河結冰為城沃以水  
旁設阱敵至伏起衆潰雲亦出城合兵追擊敗之納克  
楚僅以身免

國朝應天順人天命六年得濟陽乘勝攻遼陽明遼東經畧  
袁應泰盡撤奉集威寧諸軍并力城守引水注濠環列火  
器自督總兵侯世祿等出城五里迎戰我軍敗之始欽兵  
登陣以守

太祖命塞其水源泄其四圍奪其橋先布楛車護之右翼運土壅  
水畢遂渡濠鏖戰左翼兵奮奪橋冒礮登城據其一隅城  
中大亂民家多啓扉以待蓋降人導之也先是遼人與降  
人皆爲我耳目或以收降太濫諫應泰不聽時明兵猶列  
炬拒戰達旦右翼亦登應泰乃自焚方遼陽圍急應泰命  
御史張銓退保河西以圖再舉不從三日城破死之張神  
功奉命援遼聞遼陽已沒率所部由廣寧疾馳渡河而東  
至首山孤軍戰死羅一貫爲遼東參將憑城固守矢石俱

盡向關再拜曰臣力盡矣遂自刎都司陳尙仁王崇信皆  
死於是役明以應泰代熊廷弼不知其敏練於吏事而無  
將才也於是遼河以東大小城堡七十餘所皆下遂定議  
遷都遼陽  
土匪之亂 道咸以前境內久安幾於民不識兵同治初  
土匪徐占一馬傻子等糾合匪黨肆掠鄉屯城北旂杆堡  
妖人趙錫百習丁甲之術剪紙爲兵馬有小驗又造作謠  
言謂真人將出因煽惑多衆率以攻城至北門皆經知州  
張鼎鏞破之  
甲午之役 光緒甲午年日本軍佔海城州城戒嚴冬十  
二月 盛京將軍依吉林將軍長及樺樹溝韓登舉知州  
徐慶璋各營相持於鞍山北日軍大島義昌據鞍山以南

彼此偵探互有所獲未及戰於境內越明年而和議成然  
費芻輓粟無鐵路之便民力亦稍疲矣

拳匪之亂 光緒庚子六月拳匪滋事焚燒教堂及白塔  
寺南之俄橋俄人獲我平民四十餘名以爲拳匪知州陳  
衍庶單車詣俄官以性命保之乃獲釋歸頃拳匪勢熾雜  
以官兵知州力不能禁遂致攻車玷燬洋房蔓延不已晉  
翼長昌駐紮城南猶收用拳勇冀獲一效迄俄兵數千自  
旅順北來戰於海城虎莊屯瞭甲山以及州城南嶸山屯  
兵匪俱散無應敵者是年閏八月初五日俄兵遂入城  
日俄之役 光緒三十年日俄之爭遼東爲中立戰地然  
鴨綠江大高嶺大石橋等役猶各以一軍激戰獨於遼陽  
以兩國五十餘萬人之全軍戰綫之延袤約一百八九十

里時歷十晝夜其間奮戰日軍由各地並起約分爲右翼  
中軍左翼三大段  
自日本第二軍陷大石橋大孤山軍陷析木城海城之俄  
兵孤立腹背受敵故未戰而退保於鞍山自日本第一  
軍奪榆樹林樣子嶺遼陽之俄兵有後顧之患故退保於  
湯河沿安平於是日軍聯絡一氣得以進逼遼城因以第  
一軍爲右翼黑木爲楨將之大孤山軍爲中軍野津道貫  
將之第二軍爲左翼奧保翠將之而各軍復分左右翼中  
堅各縱隊惟右翼先進意在奪湯河右岸堡壘以搗遼城  
俄兵之背故長谷川大將之一隊於七月十四日與俄  
兵戰於浪子山四大將與井上中將之一隊以十五日夜  
半銜枚襲奪八盤嶺進逼紅砂嶺極險日軍不得開展

俄兵踞嶺殊死抵抗時又出枝隊攻日軍日軍亦瀕於危  
次日架礮於北八盤嶺谷底與紅砂嶺俄兵相轟擊始漸  
次佔紅砂嶺寒坡嶺弓長嶺俄人第一防禦陣地俄兵恐  
截其後路急移鞍山兵還保首山日左軍遂乘虛佔鞍山  
站十七日攻俄第三防禦陣地二十一日右翼四大將長  
谷川之兵奪大石門嶺城南偏東二十五里一帶高阜與孟家房俄  
軍相持而中左兩軍亦齊進逼首山堡隔谷礮擊至次日  
勝負未決屢卻屢攻屍橫無算會日軍右翼縱隊由城東  
鍊刀灣渡太子河上游突出巖州城梅澤枝隊乘俄軍無  
備亦由本溪界之臥龍村亂太子河進佔本溪湖俄大將  
苦魯巴金見其遠左之軍不支遂欲撤孟家房首山堡兵  
而日本中左兩軍又殊死鏖戰復分隊由首山西北向山

背兜擊因得畧西南一帶高阜逼俄兵第一防禦戰綫遂  
變山戰而爲野戰惟白塔寺車站以南之堡壘視首山益  
固激戰二日夜不得逼近俄壘二十三日由味爽至薄暮  
兩軍酣戰日人獲俄首山堡之礮即以攻擊遼城之俄兵  
而太子河右岸之俄礮兵亦開礮相援其退自城西之俄  
步兵礮兵復渡太子河軍橋東合黑鷹台軍以禦日軍因  
而日右軍戰鬪益激岡崎少將之一隊與俄兵互爭黑鷹  
台及施官屯附近之高阜三失三佔襲擊格鬪日軍大苦  
二十四日日中軍由俄軍東南攻左軍由俄軍西北攻午  
後突見城西門外一帶黑煙盈騰則俄軍焚積聚而遁也  
夜半日軍入城時梅澤支隊亦由本溪湖西進與右縱隊  
松永將軍合俄軍益卻二十五日俄軍遁入奉天

初俄軍約以步兵六軍團騎兵一百四十七隊礮五百十  
三尊分爲左右中三軍右翼踞鞍山一帶中軍踞浪子山  
一帶左翼踞紅砂嶺安平各壘全軍布置法城西南約二  
軍團南面一軍團東面一軍團西北太子河右岸又一軍  
團而別屯一軍團於遼陽之背更有歐洲新兵二軍團至  
編爲總游擊軍兵非不多也且其經營遼陽方決計死守  
以爲根據地故防禦地造築周密計其整城壁濬隧道共  
十處寬二十五六尺城外築坦道縱橫如織其最附近陣  
地距城約三里餘成橢圓狀由西北而南遙連東北遠逾  
三十餘里其間有眼鏡堡或曲綫礮臺或四角五角堡壘  
錯綜相連厚自五六尺至一丈五六尺不等每堡設礮數  
尊近堡之地掘壕寬一丈八尺深一丈二三尺壕內或植

木椿或張鐵網或設狼狽埋以地雷壕外亦張大鐵網設  
穿無數至於陣地之背有甬道以通礮車凹而寬廣左右  
曲折以防礮彈太子河右岸土城邱上排列重礮遙護堡  
壘此城壁前面防禦地也其距陣地約六七里右由首山  
堡至方家屯孟家房虎頭崖左經太子河至施官屯黑鷹  
台巖州城之沿岸爲第三防禦陣地又南右由沙河鎮起  
東連四方台湯河沿孫家寨左至石咀子之小山脈爲第  
二防禦陣地再南而右由鞍山站起東連高峰寺大甸子  
弓長嶺七盤嶺八盤嶺寒坡嶺至紅砂嶺爲第一防禦陣  
地蓋俄集厚力於此擬爲背城一戰故此戰之結果俄官  
兵傷亡二萬五千餘名日兵官傷亡七百九名兵一萬六  
千三百三十九名獲戰利品無算計俄礮兵所發礮彈多

至十萬五千顆實遠過俄土戰爭終始所發之數敗報至莫斯科全國振動是役也日人之得勢在襲渡太子河搗俄人之背使首山堡之俄兵瞻顧後路無志死守英將哈米爾論日軍涉河計畧多奇俄不乘此薄之而顧使日軍涉太子河如行康莊亦可知兩軍之巧拙矣

三省舊錄

遼陽近接

陪京豐鎬教澤涵濡最深特負冀北剛義之氣習與性相因生此地者每尙實而少文金元以上俗尤樸野然鄉賢之實行散見於史乘者實足以風厲後學振文弱之弊焉爰撫其實序而列之

公孫度 字升濟遼東襄平人初爲元菟吏後舉有道累官遼東太守東伐高句驪西擊烏桓南越海取東萊諸縣威行海外稱平州牧子康嗣封襄平侯

李允 字宣伯晉襄平人父信早喪允有識之後卽以喪禮自居又以祖敏浮海不知所終設木主事之舉孝廉遷吏部郎銓綜廉平累遷御史中丞恭恪直繩百官憚之歷

河南尹封廣陸伯泰始初進爵爲侯拜尙書尋轉太子少傅詔以宣伯有匪躬之節拜侍中加特進遷尙書令雖歷職內外而家至貧兒病無以市藥帝聞之賜錢十萬後爲司徒太康三年卒謚曰成孫志嗣爵

高道悅 字文欣遼東新昌人魏孝文時爲諫議大夫正色常官不憚強禦詔嘉其謇諤以爲主爵又兼御史中尉留守京洛時宮殿初基廟庫未構車駕將由水路幸鄴已詔回營構之材以造舟楫道悅表諫以爲闕居宇之功作游戲之川損耗殊倍又深薄之危古今共慎遂從陸路卒贈散騎常侍謚曰貞侯長子顯族拜給事中亦以忠厚見稱

李元護 遼東襄平人晉司徒允八世孫少有武力軀幹

雄偉以魏平齊後隨父懷慶南奔為裴叔業司馬後與叔業歸魏為齊州刺史州內饑表請振貸獨其賦役  
高崇 字積善遼東人父潛自高麗歸魏賜爵開陽男崇少聰敏以端謹稱景明中除洛陽令為政清斷發摘不避強禦縣內肅然嘗謂人曰仲尼四科德行為首人能立身約已不忘典訓斯亦足矣卒諡曰成  
高謙之 字道讓崇之子少事後母以孝聞及長專意經史天文算歷之書多所賅涉襲父爵孝昌初行河陰令有盜瓦礫詐市人馬者逸去謙之偽枷囚於市宣言是詐馬賊今欲刑之遺腹心密察市中有二人相見訖然曰無復憂矣遂執之舊制畿縣令得面陳得失時佞幸惡其有所發聞遂奏罷之謙之上疏諫為寵要所疾除園子監博士

遼陽鄉土志

二十五

以父舅氏沮渠蒙遜曾據涼土國書漏缺乃修涼書十卷李神軌諱之賜死朝士寃之著文章百餘篇行於世  
高恭之 諱之弟字道穆以字行學涉經史所交皆名流儒士幼孤事兄如父母正光中為御史糾摘不避權豪魏孝莊時元灑逼虎牢道穆勸帝循河東下號召諸軍一向虎牢一赴河內為特角勢由是莊帝得反政除御史中尉道穆外執直繩內參機密凡益國利民之事必以奏聞諫諍無所顧忌選用御史皆當世名輩  
李弼 字景和遼東襄平人少有大志膂力過人屬魏室喪亂嘗曰大丈夫會須平寇亂安社稷以取功名安能藉階資求榮位乎魏永安元年從爾朱天光及賀拔岳歷討賊賊咸畏之曰莫當李將軍賀拔岳被害弼勒兵歸宇文

泰每從征討朝受命夕便引路畧不問私事性沈雄有深識故能以功名終弟樹字靈傑長不盈五尺性果決有膽氣為周文帝都督從平安農破沙苑跨馬運矛衝堅陷陣敵人退避文帝歎曰但使膽決如此何必八尺之軀也武成初從豆盧寧征稽胡有功封汝南郡公弼之子綸亦有文武才  
可朱渾元 字道元遼東人寬仁有武畧少與齊神武相知後從爾朱天光平万俟醜奴有功為宇文泰所疑遂歸神武累功拜司空封扶風郡王其用兵務持重未嘗負敗弟天元亦有將畧  
李行 字拔豆父弼為周太師行少專武藝慷慨有志畧仕隋討平叛繼進柱國後以伐陳功拜安州總管頗有惠

遼陽鄉土志

二十六

政 李寬 邢國公輝之子弼之孫幹略過人自周及隋數經將領位柱國蒲山郡公號為名將子密有縱橫才唐與密降  
李澄 遼東襄平人蒲山公寬之裔德宗時為滑州刺史李希烈陷汴滑州亦降興元初澄自承平遣盧融奉表詣行在德宗嘉之署帛詔納蠟丸授澄刑部尚書汴滑節度使澄密勒士馬以計誅希烈養子之成白馬者及希烈悉衆圍陳州澄遂引兵歸國後封隴西王卒贈司空  
托布嘉 家世仕遼歸金收國二年守東京遼軍二十萬來戰乃向吳王請戰或曰戰危事獨苦請何也曰丈夫不得一決勝負尚何為苟臨敵不捷雖死猶生也遂出戰有

功累封漢國王卒贈太師晉國王托布喜即捷不野  
大懷貞 字子正皇統五年除開門祗候累遷彰國安府  
軍節度使為興中尹錦州富民殺人匿府少尹家有司不  
能捕懷貞取之賞於法縣尉獲盜得一旗上圖亢宿詰之  
有謀叛狀株連萬人懷貞請誅首亂者十八人餘皆釋之  
李石 字子堅父綽爾齊原作惟訛死於戰事石敦厚寡  
言才識過人少貧姊貞懿后周之不受曰國家方急用人  
正宜自勉何患乎貧以功累遷御史大夫圖克坦原作維單  
溫平章政事喀齊喀原作合喜之姪也賊濫不法石劾奏之聞  
者悚然大定九年領尚書事拜太保封廣平郡王致仕卒  
謚襄簡石以勳戚久處腹心之寄內廷猷替多有足稱明  
昌五年配享世宗廟庭

孟奎 字元秀大定間進士時平章政事完顏守貞禮接  
士大夫在其門者號冷嚴十俊奎其一也遷同知中都路  
轉運使值旱詔審錄冤獄多所平反謚莊肅  
高守約 字從簡金大定間進士累官觀州刺史元兵徇  
河朔郭邦猷乞降借至城下呼守約曰當計全家室守約  
弗顧城破死之  
烏塘 大定間為長子令剖決如流人皆悅服尤善撫流  
亡均徭役革包納侵漁之弊邑人為之立去思碑  
張汝芳 章宗時知沂州治民寬而馭吏嚴深得政體歷  
久人猶稱之  
李英 字子賢金貞祐初上高琪書言中都之有居庸猶  
秦之崤函帶之劍關也邇者撤居庸兵我勢遂去琪奏其

書即除工部員外郎充宣差都提控居庸等關陞悉隸焉  
召還遷翰林待制上策言委親賢立屏藩選守令十事頗  
施行之後督糧運救中都與元兵戰敗死之  
高宣 元太宗時以元帥從攻大名宣進曰今來弔伐願  
勿嗜殺人及城破兵不血刃民心悅服又從破金兵三峰  
山降宣者二千餘戶以宣為都總管賜金符令世其職卒  
封營國公謚簡僖宣子天錫事世祖潛邸甚見親幸授父  
官尋改燕京諸路總管按察司副使與宰相言農桑為衣  
食之本不務本則衣食不給教化不興丞相以聞遂立司  
農司以天錫為勸農使天錫孫達寶布哈原作塔元成宗  
謂之曰汝祖為司農今復以授汝英宗居東宮布哈撰前  
代嘉言懿行名曰承華事略并繪幽風圖以進帝獎諭之

命置圖書東宮俾太子時時觀省  
郭全 元人父廷玉卒倚廬三載繼母唐古氏生四子全  
躬耕奉養四子繼長各求分析全不能止凡田廬器物皆  
取朽敝者唐古氏卒全六十餘哀毀廬墓詔旌其閭  
吳成 明人從成祖起兵有功遷都指揮僉事永嘉初三  
從出塞以功進左都督宣德初以成嘗宿衛東宮錄舊勞  
封清平伯三年從帝北征卒謚壯勇  
張升 定遼中衛人聰明有為才任萬全都司訓導學宮  
有井不甘升疏之列甚土人呼曰張先生井著有奇菴稿  
行世崇祀鄉賢祠  
顧能 定遼前衛人由進士授戶部主事生平不妄受一  
錢天順間通州放糧盡承諸弊成化初天下清官四員能

居楊繼宗之次刻石於便殿金柱上

耿賢 定遠前衛人守開原善撫士卒不妄交際致仕時所屬憫其清苦各餽金幣悉分之軍士卒葬杏山與其師顧能墓相近詩人弔之以為師弟雙清云

胡深 定遠後衛人成化間陳弭災四事因劾商輅程信姚夔被謫黔陽卒於廣西鬱林知州任內崇祀鄉賢祠

孫榮 定遠右衛人宏治丙辰進士初試政即上疏請考

察兩京科道知陵川抑豪強恤孤弱尤殫心風化徧立社學集發正篇小四書發蒙大訓悉刊布之陞吏部主事上罷中官監軍疏為劉瑾所嫉免官尋起河南按察僉事值流賊猖獗保障留都退賊東珍營之籌畫居多  
崔哲 初知威州以德服遠邊陲無警後改澤州毀淫祠

善獎後學課士有法

佟卜年 由進士知河間府節用愛人除門則儀馬大戶

三害邑人立祠祀之

劉耀武 由舉人任香河令重學輕刑民愛慕之

劉鼎 初喪生母嫡母姚氏撫之成化中任鴻臚序班姚

氏沒鼎在京聞訃奔至喪所悲哀結廬負土築墳事聞旌

表

李光祖 父敏以孝行稱卒光祖三日不食哀毀逾節比

葬廬墓三年

李孔効 舉人崇禎十二年知竹溪縣明年八月張獻忠

李自成等十三營圍城孔効百計以禦左良玉擁兵不救

防兵內應城破孔効持刀伏短垣間伺賊過輒殺之力盡

而死

應時盛 起家小校任山西撫標中軍副總兵闖逆犯太原時盛誓衆死守城破中丞蔡懋德拔刀自刎為麾下所奪時盛請下城巷戰突殺數十人至炭市口賊衆充斥時盛呼曰且擁公出西門已出門還顧不見懋德復砍門入日公不負朝廷中軍焉敢負公同入三立書院益死  
趙允植 崇禎三年任盧龍教諭品行端方勤於訓士凡有啓迪必以孝弟行誼為先庚午兵燹與妻同縊死  
齊完我 天命初來歸隸漢軍尋授參將從征大凌河及察哈爾有功又疏請立六部設言官有云一設言官人必自歛君身尚許諫諍他人安有忌諱尋陳伐明之策奉諭各舉賢能疏請用保舉連坐法功罪同之康熙四年卒

文毅與額色赫褚庫根特三人同入賢良祠

石廷柱 漢軍正白旗人先世為遼東武弁父翰始家焉

天命七年來歸十一年從征獲努克晉三等男天聰三年

率兵剿明故將毛文龍所屬諸島六年從征察哈爾七年

隨攻旅順崇德四年戰松山六年奏取錦州圍松山乘夜

破敵順治元年從入關屢以戰功加至一等伯卒諡忠勇

子珍駐師鎮江有石佛之稱第六子琳督兩廣在粵十四

年遠近肖其貌而祀之墓在城東人稱為石家墳

宜永貴 隸正白旗漢軍崇德五年從圍錦州以破攻克

涼馬山等處六年戰松山克高橋南三台七年以破克塔

山附近各臺及其城洊升至都統十三年由南疆巡撫調

福建會海寇鄭成功率衆薄城時城守單弱永貴竭力以